



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

ACTA DA SESIÓN EXTRAORDINARIA DO PLENO DO CONCELLO DE MESÍA CELEBRADA O DÍA 20 DE ABRIL DE 2010.

ALCALDE:

D. Mariano Iglesias Castro PSdeG – PSOE

CONCELLEIRO/AS:

D. Antonio Quindimil García. PSdeG – PSOE

D. José Ángel Sánchez Sánchez. PSdeG – PSOE

D^a Pilar Sánchez Ulloa. PSdeG – PSOE

D. Gervasio Sánchez Barreiro. PSdeG – PSOE

D. José Fernando García Lesta PSdeG – PSOE

D. Severino Álvarez Monteserín. PP

D. Adolfo Grobas Vázquez PP

D. Pedro M. Pedreira Candal. BNG

D. Manoel Bello Salvado. BNG

Non asiste e se excusa:

D^a María José Quindimil Suárez. PP

SECRETARIO:

D Eladio Bendaña Pardo.

En Mesía, a 20 de abril de 2010, sendo as oito horas e trinta minutos, na Casa da Cultura do Concello, logo da convocatoria para o efecto, reuníronse, en primeira e pública convocatoria, os señores concelleiros que se relacionan na marxe, co obxecto de celebrar sesión extraordinaria do Pleno.

A tódolos asistentes entregáraselles copia da Orde do Día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente. Estando presente o quórum necesario, polo Sr. Alcalde declárase validamente constituída a sesión. Pásase a continuación a tratalos seguintes asuntos incluídos na Orde do Día:

- CESIÓN GRATUITA DA PROPIEDAD DAS PARCELAS REXISTRAIS Nº 7.248 E 3.897 Ó SERVIZO GALEGO DE SAÚDE, EN VIRTUDE DO CONVENIO ENTRE A CONSELLERÍA DE SANIDADE –SERVIZO GALEGO DE SAÚDE- E O CONCELLO DE MESÍA SOBRE ASUNCIÓN DOS CUSTOS DE MANTEMENTO DOS CENTROS DE SAÚDE DE XANCEDA E VISANTOÑA.**

O Sr. Alcalde pásalle a palabra ó Secretario, que fai lectura da proposta que o seu teor literal di:

“D. MARIANO IGLESIAS CASTRO, Alcalde - Presidente do Concello de Mesía, tendo en conta o protocolo aprobado entre a Xunta de Galicia e a Federación Galego de Municipios e Provincias (FEGAMP) sobre asunción dos custos de mantemento dos centros de saúde.

Considerando o convenio de colaboración entre o Concello de Mesía e a Consellería de Sanidade –Servizo Galego de Saúde- no que se establecen as bases de cooperación entre este



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

concello e o Sergas para o cambio de titularidade dos centros de saúde de Xanceda e Visantoña e a asunción dos custos por parte de dito organismo.

De conformidade co artigo 110 do Regulamento de Bens das Entidades Locais en relación co artigo 47.2.ñ da Lei 7/1985, de 2 de abril, Reguladora das Bases do Réxime Local, proponse ó Pleno adoptar o seguinte acordo:

PRIMEIRO. Aprobar inicialmente a cesión gratuíta da propiedade das parcelas nas que se ubican os Centros de saúde de Xanceda e Visantoña, e que se corresponden, respectivamente, coas fincas rexistradas nº 7.248, folio 76, Libro 55, Tomo 537 e nº 3.897, folio 239, Libro 36, Tomo 321, cualificadas como bens patrimoniais propiedade do Concello de Mesía, ó Servizo Galego de Saúde co fin de que asuma os custos de mantemento dos citados centros.

PARCELA DO CENTRO DE SAÚDE DE XANCEDA (referencia catastral 2102609NH6220S0001LZ)

- *Superficie: 589,00 m²*
- *Superficie que ocupa a edificación: 273,84 m²*
- *Lindeiro norte: camiño.*
- *Lindeiro sur: Predio 137-1 (propiedade do Concello de Mesía) e resto finca matriz e vivenda da que a prolongación do seu lindeiro norte, cara a parte este, constitúe en parte o lindeiro sur desta finca.*
- *Lindeiro este: resto finca matriz e vivenda indicada no lindeiro anterior.*
- *Lindeiro oeste: Predio 136 (propiedade de Josefa Fuentes Pereiro) e Predio 131-1 (propiedade do Concello de Mesía).*

PARCELA DO CENTRO DE SAÚDE DE VISANTOÑA (referencia catastral 001302400NH57F0001YA)

- *Superficie: 2.702,00 m²*
- *Superficie que ocupa a edificación: 480,56 m²*
- *Lindeiro norte: Predio 355 (propiedade de Antonio Miranda Quindimil).*
- *Lindeiro sur: Predio 357 (propiedade de María Louro Conde) e predio 359 (propiedade de Celestino Candal Veiras).*
- *Lindeiro leste: Predio 360 (propiedade de Manuel Manteiga Sánchez).*
- *Lindeiro oeste: camiño.*

SEGUNDO. Someter o presente acordo a trámite de información pública mediante inserción de anuncio no Boletín Oficial da Provincia por un prazo de quince días para que se presenten as alegacións ou suxestións que se estimen oportunas.

TERCERO. Transcorrido o prazo de información pública sen presentarse alegacións ou suxestións, o expediente de cesión entenderase aprobado definitivamente. En caso de presentarse, resolveranse polo Pleno.”

Toma de seguido a palabra o Sr. Alcalde manifestando que este acordo xa se trouxo practicamente igual á sesión plenaria celebrada en data 4 de abril de 2009. A diferenza radica en que en aquel acordo unicamente se cedía á Xunta a superficie ocupada polos centros de saúde, reservándose así o concello o resto da parcela ós efectos de, por unha banda, non perder patrimonio e, por outra, poder, algún día, facer algún tipo de actuación



CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

no entorno dos centros. O que sucede é que a Xunta esíxenos a cesión total da parcela onde se ubica o inmovible, polo que si queremos acadar o obxectivo de que a Xunta asuma os custos dos centros ten que adoptarse o acordo cedendo a propiedade das parcelas.

O Sr. Alcalde concede a palabra ó Sr. Pedreira, quen manifesta que o noso grupo mantense de acordo coa cesión, e consideramos que é unha boa medida que a ninguén prexudica, pero gustaríanos saber que vai pasar coa xente que está limpando os centros.

Resposta o Sr. Alcalde que terá que reorganizar o persoal afectado, mantendo o réxime contractual, pero os afectados prestarán o servizo noutras dependencias municipais.

O Sr. Alcalde concede a palabra ó Sr. Álvarez, quen manifesta que o seu grupo tamén está a favor do acordo, xa que supón un aforro importante para o Concello.

Non habendo máis intervencións, o Sr. Alcalde agradece o consenso dos grupos e somete a proposta a votación, co seguinte resultado: unanimidade dos concelleiros presentes, quedando, polo tanto, aprobada a proposta da Alcaldía coa esixencia legal de maioría absoluta do número legal de membros da Corporación.

Non habendo máis intervencións, o Sr. Alcalde - Presidente, sendo as oito horas e cincuenta minutos, levanta a sesión, da que eu, Secretario - Interventor, certifico.

Visto e Prace,
O alcalde,